

## Izveštaj o radu Uprave policije MUP-a Kantona Sarajevo za mjesec juni 2018. godine

### KRIMINALITET

#### OSNOVNI STATISTIČKI POKAZATELJI KRIMINALITETA

U mjesecu junu 2018. godine, na području Kantona Sarajevo registrovana su 344 krivična djela što je za četiri djela ili 1,2 % više u odnosu na isti mjesec prethodne godine.

Od ukupnog broja registrovanih krivičnih djela, 179 ili 52 % izvršeno je od strane poznatih, a 165 ili 48 % od strane nepoznatih izvršilaca.

Za 57 djela ili 34,5 % od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 36 krivičnih djela iz izvještajnog, a 21 iz ranijeg perioda.

Iz naprijed navedenog proizilazi da su službenici Uprave policije MUP-a Kantona Sarajevo u mjesecu junu 2018. godine za ukupno 236 krivičnih djela ili 68,6 % identifikovali osumnjičene izvršioce, što je za 0,7 % veća rasvijetljenost u odnosu na isti mjesec prethodne godine.

Zbog postojanja osnova sumnje da su počinili krivična djela prijavljeno je 230 lica (13 ili šest % više), od čega je 140 povratnika (pet ili 3,7 % više) u izvršenju krivičnih djela (ili 60,9 % od broja prijavljenih lica), osam maloljetnika (dva ili 33,3 % više), a 101 lice je lišeno slobode (isto kao u junu prošle godine).

Pregled kriminaliteta na području Kantona Sarajevo u mjesecu junu 2018/17. godine posmatrano po glavama KZ FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA PROTIV	Juni 2018.	Juni 2017.	uporedba		rasvj. maj 2018.	
			+/-	%	broj kd	%
Protiv života i tijela	15	18	- 3	- 16,7 %	15	100 %
Protiv slobode i prava čovjeka i građanina	23	21	+ 2	+ 9,5 %	21	91,3 %
Protiv spolne slobode i morala	3	0	+ 3	-----	3	100 %
Protiv braka, porodice i mladeži	20	25	- 5	- 20 %	20	100 %
Protiv zdravlja ljudi	57	54	+ 3	+ 5,5 %	57	100 %
Protiv privrede poslovanja i sigurnosti platnog prometa	1	0	+ 1	-----	1	100 %
Protiv imovine	182	190	- 8	- 4,2 %	82	45 %
Protiv opće sigurnosti ljudi i imovine	10	4	+ 6	+ 150 %	7	70 %
Protiv sigurnosti javnog prometa	13	1	+ 12	+ 1.200 %	13	100 %
Protiv pravosuđa	2	1	+ 1	+ 100 %	2	100 %
Protiv javnog reda i pravnog prometa	15	15	isto	-----	12	80 %
Protiv podmićivanja i krivična djela protiv službene i druge odgovorne funkcije	1	3	- 2	- 66,7 %	1	100 %
Protiv privrede i jedinstva tržišta te kd iz oblasti carina (KZBiH)	0	1	- 1	-----	----	-----
ZONDINOIM-a - Zakon o nabavljanju, držanju i nošenju oružja i municije (Sl.novineKS br.01/18)	2	7	- 5	- 71,4 %	2	100 %
<b>UKUPNO</b>	<b>344</b>	340	+ 4	+1,2 %	236	68,6 %

U odnosu na isti mjesec prethodne godine, zabilježeno je povećanje broja registrovanih krivičnih djela za četiri ili 1,2 %. Najznačajnije povećanje zabilježeno je u oblasti protiv sigurnosti javnog prometa (za 12 djela), zatim opće sigurnosti ljudi i imovine (za šest), dok je najveće smanjenje evidentirano u oblasti krivičnih djela protiv imovine (za osam), braka, porodice i mladeži (za pet djela), ZONDINOM-a (za pet djela), života i tijela (za tri), itd.

#### PREGLED KRIVIČNIH DJELA PO OBLASTIMA

##### KRIVIČNA DJELA PROTIV ŽIVOTA I TIJELA

Tokom mjeseca juna 2018. godine u ovoj oblasti evidentirano je 15 krivičnih djela (tri ili 16,7 % manje) i to: ubistvo u pokušaju – tri djela (nije bilo djela u uporednom mjesecu), teška tjelesna ozljeda – tri (devet manje) i lahka tjelesna ozljeda – devet (tri više).

Zbog postojanja osnova sumnje da su počinili navedena krivična djela, nadležnom tužilaštvu podneseni su službeni izvještaji protiv 13 lica, od kojih je osam povratnika ili 61,5 % a tri lica su lišena slobode.

##### KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 23 krivična djela (dva više) ugrožavanja sigurnosti za čije izvršenje su prijavljena 23 lica od kojih je devet povratnika i šest lica je lišena slobode.

##### KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 20 djela protiv braka, porodice i mladeži (pet manje): nasilje u porodici – 19 djela i oduzimanje djeteta ili imaloljetnika – jedno djelo. Zbog postojanja osnova sumnje da su počinili ova djela prijavljeno je 20 lica, od kojih je 13 povratnika, a 14 je lišeno slobode.

##### KRIVIČNA DJELA PROTIV ZDRAVLJA LJUDI

Prijavljeno je 57 krivičnih djela iz oblasti protiv zdravlja ljudi (tri više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – tri,
- posjedovanje i omogućavanje uživanja opojnih droga (čl. 239. KZ FBiH) – 54 djela.

Zbog postojanja osnova sumnje da su počinili navedena djela podneseni su službeni izvještaji protiv 57 lica od kojih su 43 povratnika ili 75,4 %, a 37 lica je lišeno slobode.

#### PREGLED ODUZETE KOLIČINE OPOJNIH DROGA U MJESECU JUNU 2018/17. GODINE

VRSTA OPOJNE DROGE	juni 2018. GODINE	juni 2017. GODINE
Marihuana (paketići)	6	69
Marihuana (u gramina)	68 grama	
Marihuana (JOINT – cigarete)	1	
Kokain (paketići)		4
Heroin (paketići)		30
Amfetamin (paketići)	17	2
Amfetamin (u gramima)	74	1400
Cannabis (stabljike kom.)		---
Ecstasy (tablete kom.)	32	522
pribor sa ostacima droge (komada)	7	---

## KRIVIČNA DJELA PROTIV IMOVINE

U izvještajnom mjesecu, registrovana su 182 krivična djela protiv imovine, što je za osam djela ili 4,2 % manje u odnosu na isti mjesec prošle godine. Među djelima iz ove oblasti najbrojnije su: teške krađe –96 djela (šest manje), zatim razbojništva – 25 (dva više), krađe – 23 (pet manje), teška krađa na naročito opasan ili naročito drzak način 10 - pet (pet više), oštećenje tuđe stvari – devet (osam manje), prijevara – pet (tri više), teška krađa u pokušaju – pet (isto), utaja - dva (jedno više), itd.

Za ukupno 82 ova djela ili 45 % identifikovan je osumnjičeni izvršilac (1,8 % više).

Kada su u pitanju teške krađe, prema objektu izvršenja najbrojnija su bili stambeni objekti - 59 (32 više), zatim motorna vozila (otuđenja pmv i “provale” u ista) – 31 slučaj (34 manje), poslovni objekti - 12 puta (dva više), itd.

Na području Kantona Sarajevo u mjesecu junu ove godine izvršena su 22 krivična djela teških krađa motornih vozila od čega je sedam ili 31, 8 % pronađeno i vraćeno vlasnicima (MUP KS vratio je vlasnicima dva motorna vozila, MUP RS-a – jedno, PU Posušje – jedno i tri motorna vozila su pronašli vlasnici).

Broj teških krađa motornih vozila, smanjen je za 31 ili 58,5 %. Zbog izvršenja teške krađe motornih vozila nije bilo podnesenih službenih izvještaja nadležnom tužilaštvu.

Prijavljena su 23 krivična djela krađe (pet manje), koja su izvršena osam puta u poslovnim prostorijama, četiri puta u automobilima, četiri puta u tramvajima, itd. Najčešće su otuđivani novčanici, mobiteli, auto dijelovi, laptopi i slično.

U mjesecu junu 2018. godine, registrovano je 25 krivičnih djela razbojništva (dva više), od čega je za pet djela ili 20 % identifikovan osumnjičeni izvršilac .

Ova djela izvršena su prijetnjom upotrebe noža ili drugog oštrog predmeta – 12 puta, prijetnjom upotrebe vatrenog oružja – osam puta i upotrebom fizičke snage – pet puta, a počinjena su u prodavnicama – 10 puta, na ulici – osam puta, u sportskim kladionicama, stanu i tramvaju – po dva puta i na benzinskoj pumpi – jednom. Otudivan je novac, mobiteli, nakit, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv pet lica koji su povratnici u činjenju krivičnih djela, a tri lica su lišena slobode.

Evidentirano je 10 krivičnih djela teških krađa na naročito opasan ili naročito drzak način (pet više), u kojima su izvršioc, upotrebom fizičke snage – pet puta, verbalnom prijetnjom u četiri slučaja i prijetnjom nožem u jednom slučaju otimali nakit, novac i mobitele. Ova djela izvršena su na ulici – devet puta i jednom u stambenom objektu.

Za ukupno pet djela identifikovani su osumnjičeni izvršioc, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica, od kojih je jedan maloljetnik, a dva lica su lišena slobode.

## KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 10 djela (šest više) i to: izazivanje opće opasnosti – osam djela, nesavjesno čuvanje pasa i drugih opasnih životina i teška krivična djela protiv opće sigurnosti ljudi i imovine – po jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv sedam lica, a šest je lišeno slobode.

Krivična djela izazivanja opće opasnosti (četiri više) izvršena su na sljedećim mjestima: na ulici –pet puta, na parkingu – dva puta i u dvorištu – jednom. U pet slučajeva pucano je iz vatrenog oružja, u dva slučaja je zapaljeno vozilo, dok je u jednom slučaju aktivirana eksplozivna naprava koja je prouzročila materijalnu štetu. Posljedica izvršenja navedenih djela je nastala materijalna šteta i uznemirenost građana.

#### KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 15 krivičnih djela (isto) i to: nasilničko ponašanje – devet djela, nedozvoljeno držanje oružja ili eksplozivnih materija –pet i napad na službenu osobu u vršenju poslova sigurnosti – jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji 11 lica, od kojih je šest povratnika ili 54,5 %, a tri lica su lišena slobode.

#### KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca juna 2018. godine policijski službenici su podnijeli službene izvještaje nadležnom tužilaštvu protiv osam maloljetnih lica zbog osnova sumnje da su počinili šest krivičnih djela. U poređenju sa istim mjesecom 2017. godine, broj krivičnih djela za čije izvršenje su prijavljena maloljetna lica smanjen je za jedan ili 14,3%, a broj prijavljenih maloljetnih učinilaca krivičnih djela povećan je za dva ili 33,3%.

Prema starosnoj strukturi, pet maloljetnika je u dobi od 14 do 16 godina, a tri su u dobi između 16 i 18 godina, dok su dva maloljetnika povratnici u vršenju krivičnih djela.

Maloljetni učinioци uglavnom su evidentirani kao izvršioци krivičnih djela teških krađa na naročito drzak i opasan način (dva), teška tjelesna ozljeda, ugrožavanje sigurnosti, razbojništvo i nasilničko ponašanje (po jedno djelo).

Struktura krivičnih djela izvršenih od strane maloljetnih lica u junu 2018/2017. godine

Naziv krivičnog djela	juni 2018.	juni 2017.	+ - %
teška tjelesna ozljeda	1		1
lahka tjelesna ozljeda		1	-1
ugrožavanje sigurnosti	1	1	isto
posjed. i omogućav. uživanja op. droga		1	-1
teška krađa na naročito drzak i opasan način	2		2
teška krađa		1	-1
teška krađa u pokušaju		1	-1
razbojništvo	1	2	-1 ili 50%
nasilničko ponašanje	1		1
UKUPNO	6	7	-1 ili 14,3%

#### OSTALA PROTIVPRAVNA I ASOCIJALNA PONAŠANJA

##### AKTIVIRANJE MINSKO-EKSPLOZIVNIH SREDSTAVA

U toku mjeseca juna 2018. godine na području Kantona Sarajevo registrovan je jedan slučaj aktiviranja minsko-eksplozivnih sredstava (kao i u istom mjesecu prošle godine). Eksplozija je imala za posljedicu materijalnu štetu. Preduzimaju se aktivnosti na rasvjetljavanju ovog slučaja i pronalaženju učinioца.

U proteklom mjesecu evidentirana je jedna anonimna dojava o postavljenoj eksplozivnoj napravi (u uporednom mjesecu prošle godine nije bilo).

#### POŽARI

Tokom mjeseca juna 2018. godine, na području Kantona Sarajevo registrovano je sedam požara (dva više), koji su za posljedicu imali materijalnu štetu.

Prema statističkim pokazateljima, jedan požar je izazvan nehatom, četiri su prouzrokovana namjerno, dok uzroci dva požara spadaju u kategoriju ostalih.

Zbog izazivanja požara, nadležnom tužilaštvu je podnesena su dva službena izvještaj iz člana 323. KZ FBiH (izazivanje opće opasnosti).

#### SAMOUBISTVA

U mjesecu junu 2018. godine na području Kantona Sarajevo registrovano je jedno samoubistvo (tri manje), izvršeno vješanjem. Počinilac je muškarac starosti 88 godina.

#### JAVNI RED I MIR

U toku mjeseca juna 2018. godine zbog raznih oblika narušavanja javnog reda i mira izrečeno je 356 prekršajnih sankcija (naloga - 286, zahtjeva - 70), što je u odnosu na mjesec juni 2017. godine manje za 87 ili 19,6%. Prekršajne sankcije preduzete su protiv 386 lica (96 ili 19,9% manje).

Najveći broj prekršajnih sankcija odnosi se na prekršaje utvrđene Zakonom o prekršajima protiv javnog reda i mira (320 ili 89,9%), dok se na prekršaje utvrđene Odlukom općinskih vijeća o javnom redu i miru odnosi 36 ili 10,1% sankcija.

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u uporednom mjesecu 2017. godine), dok je lakše povrijeđeno 11 lica (10 ili 47,6% manje).

Prema starosnoj strukturi lica protiv kojih su preduzete prekršajne sankcije najbrojniji su oni preko 36 godina (232), zatim između 26 i 35 godina (96) i između 19 i 25 godina (57), a jedan učinilac je maloljetno lice. Među učiniocima prekršaja iz oblasti javnog reda i mira, 42 su povratnici u izvršenju ovih prekršaja (ili 13,1%).

Prema strukturi prekršaja, prevladavaju prekršaji učinjeni prosjačenjem – 150 (ili 42,1%), a zatim odbijanjem naređenja i omalovažavanjem policijskih službenika – 41 (ili 11,5%), naročito drskim ponašanjem - 37 (ili 10,4%), te tučama - 29 (ili 8,1%). Registrovano je još i osam prekršaja učinjenih svađom, vikom, nepristojnim ponašanjem, dok se 55 odnosi na razne druge prekršaje. Ostalih 36 prekršajnih sankcija preduzeto je u skladu sa Odlukom općinskih vijeća.

Tabelarni pregled strukture prekršaja iz oblasti javnog reda i mira  
za mjesec juni 2018/2017. godine

STRUKTURA PREKRŠAJA	juni 2018.	juni 2017.	+ - %
UKUPNO prekršajnih naloga i zahtjeva za ppp	356	443	-87 ili 19,6%
UKUPNO lica	386	482	-96 ili 19,9%
Prekršaji prema Zakonu o prekršajima protiv JRiM:	320	385	-65 ili 16,9%
<i>-Tuče</i>	29	38	-9 ili 23,7%
<i>-Naročito drsko ponašanje</i>	37	48	-11 ili 22,9%
<i>-Odbijanje naređenja i omalovažavanje pol. služb.</i>	41	26	15 ili 57,7%
<i>-Prosjačenje</i>	150	211	-61 ili 28,9%
<i>-Svađa, vika, nepristojno ponašanje</i>	8	7	1 ili 14,3%
<i>-Ostali prekršaji</i>	55	55	isto
Nalozi/ zahtjevi prema Odluci općinskih vijeća o JRM	36	58	-22 ili 37,9%

U odnosu na isti mjesec 2017. godine, u proteklom mjesecu povećan je broj prekršajnih sankcija zbog prekršaja učinjenih odbijanjem naređenja i omalovažavanjem policijskih službenika, kao i svađom, vikom i nepristojnim ponašanjem, a smanjen je broj prekršaja nastalih tučom, naročito drskim ponašanjem i prosjačenjem, dok je u ostalim slučajevima ostao isti broj ovih sankcija.

Posmatrano po mjestu izvršenja, najveći broj prekršaja izvršen je na ulici i na drugim otvorenim prostorima - 321 ili 90,2%, a znatno manje u ugostiteljskim objektima – devet i u školama i školskim dvorištima – pet. Na svim ostalim mjestima izvršen je 21 prekršaj.

Tabelarni pregled broja prekršajnih sankcija prema mjestu izvršenja u mjesecu juni 2018/2017. godine

MJESTO IZVRŠENJA	juni 2018.	juni 2017.	+ - %
<i>Ulica i drugi otvoreni prostor</i>	321	375	-54 ili 14,4%
<i>Ugostiteljski objekti</i>	9	6	3 ili 50%
<i>Škole (školska dvorišta)</i>	5	3	2 ili 66,7%
<i>Trgovinske i zanatske radnje</i>	0	5	-5
<i>Sportski stadioni i dvorane</i>	0	23	-23
<i>Ostala mjesta</i>	21	31	-10 ili 32,2%
UKUPNO	356	443	-87 ili 19,6%

U odnosu na mjesec juni 2017. godine, povećan je broj prekršaja izvršenih u ugostiteljskim objektima i u školama i školskim dvorištima, dok je na svim ostalim mjestima smanjen broj ovih sankcija.

Na području Kantona Sarajevo u mjesecu juni 2018. godine održana su 222 javna skupa (88 ili 65,7% više u odnosu na juni 2017. godine). Policijski službenici su proveli planske aktivnosti na obezbjeđenju javnih skupova, koji su protekli bezbjedno, a u 44 slučaja izvršeno je KDZ osiguranje.

## SAOBRAĆAJ

Stanje saobraćaja u mjesecu junu 2018. godine u odnosu na isti mjesec prethodne godine karakteriše smanjenje ukupnog broja saobraćajnih nezgoda i nezgoda sa materijalnom štetom, dok je povećan broj nezgoda sa nastradalim licima, broj povrijeđenih i poginulih lica.

Tokom mjeseca juna 2018. godine na području Kantona Sarajevo registrovane su 782 saobraćajne nezgode što je za 89 ili 10,2% manje u odnosu na juni prethodne godine, od čega je 687 sa materijalnom štetom (112 ili 14% manje) i 95 sa nastradalim licima (23 ili 31,9% više).

U naselju su registrovane 693 saobraćajne nezgode (86 sa povrijeđenim licima i 607 sa materijalnom štetom), a van naselja 89 nezgoda (jedna sa poginulim, osam sa povrijeđenim licima i 80 sa materijalnom štetom).

Evidentirane su 184 saobraćajne nezgode na raskrsnicama u naselju, 39 na raskrsnicama van naselja i 559 saobraćajnih nezgoda čije se karakteristike puta ubrajaju u kategoriju ostalih.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
ZA MJESEC JUNI 2018/17. GODINA

	juni 2018.	juni 2017.	uporedba	
			+,-	%
<b>UKUPAN BROJ SAOBRAĆAJNIH NEZGODA</b>	<b>782</b>	<b>871</b>	<b>-89</b>	<b>-10,2%</b>
SAOBRAĆAJNE NEZGODE SA NASTRADALIM LICIMA	<b>95</b>	72	23	31,9%
SAOBRAĆAJNE NEZGODE SA MATERIJALNOM ŠTETOM	<b>687</b>	799	-112	-14%
<b>POGINULO LICA</b>	<b>3</b>	1	2	200%
- vozači	<b>0</b>	1	-1	---
- putnici	<b>3</b>	0	3	---
- pješaci	<b>0</b>	0	0	---
<b>POVRIJEĐENO LICA</b>	<b>125</b>	<b>107</b>	<b>18</b>	<b>16,8%</b>
- vozači	<b>67</b>	53	14	26,4%
- putnici	<b>39</b>	43	-4	-9,3%
- pješaci	<b>19</b>	11	8	72,7%

POSLJEDICE SAOBRAĆAJNIH NEZGODA

Tokom mjeseca juna 2018. godine, u saobraćajnim nezgodama na području Kantona Sarajevo 128 lica je nastradalo (20 ili 18,5 % više). Tri lica su poginula<sup>1</sup> (dva više u odnosu na juni prethodne godine), dok je 125 lica povrijeđeno (18 ili 16,8 % više), 21 teže i 104 lakše.

Među nastradalim licima evidentirano je:

- 67 vozača (14 više),
- 39 putnika (četiri manje),
- 19 pješaka (osam više).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA  
ZA MJESEC JUNI 2018/17. GODINE

mjesec	JUNI 2018. GODINE			JUNI 2017. GODINE			UPOREDBA JUNI 2018/17. GODINE		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	<b>0</b>	<b>7</b>	<b>60</b>	1	3	50	<b>-1</b>	4	10
PUTNICI	<b>3</b>	<b>5</b>	<b>34</b>	0	5	38	<b>3</b>	0	-4
PJEŠACI	<b>0</b>	<b>9</b>	<b>10</b>	0	2	9	<b>---</b>	7	1
UKUPNO	<b>3</b>	<b>21</b>	<b>104</b>	1	10	97	<b>2 ili 200%</b>	<b>11 ili 110%</b>	<b>7 ili 7,2%</b>

Kada je u pitanju stepen povreda, sedam vozača su teže, a 60 lakše povrijeđena, tri putnika su poginula, pet putnika je teže, a 34 lakše povrijeđeno, dok je devet pješaka teže, a deset lakše povrijeđeno.

Starosna struktura nastradalih osoba u saobraćajnim nezgodama je sljedeća:

- od 31 do 40 godina – 23 lica,

- od 25 do 30 godina – 21 lica,
- od 41 do 50 godina – 17 lica,
- od 21 do 24 godine – 15 lica, itd.
- 

Prema kategoriji i karakteristikama puta, najveći broj saobraćajnih nezgoda registrovan je:

- na ulicama u naselju – 601 nezgoda u kojima je 76 lica povrijeđeno,
- na magistralnim putevima – 83 (26 lica povrijeđeno),
- na lokalnim putevima – 35 (osam lica povrijeđeno),
- na regionalnim putevima – 35 (šest povrijeđeno),
- i na putevima koji se ubrajaju u kategoriju ostalih – 28 saobraćajnih nezgoda (tri lica poginula i devet povrijeđeno).

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 633 (85 lica povrijeđeno), neprilagođena brzina - 139 (tri lica poginula, 38 lica povrijeđeno) i uticaj alkohola – deset (dva lica povrijeđena).

#### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca juna 2018. godine, kontrolisano je ukupno 20.152 vozila (817 više), 4.073 lica u vozilima (367 manje), izvršen je pregled 155 vozila (112 manje) i 127 lica u tim vozilima (109 manje). Zbog tehničke neispravnosti iz saobraćaja je isključeno 75 vozila (67 više), 120 vozača je zatečeno da upravljaju vozilom pod dejstvom alkohola (75 više), 451 bez korištenja sigurnosnog pojasa (102 više), 141 bez položenog vozačkog ispita (61 više), a 184 vozača su učestvovali u saobraćaju bez važeće registracije (76 više).

Zbog kršenja propisa iz oblasti sigurnosti saobraćaja uručena su 17.154 prekršajna naloga vozačima (1.215 ili 7,6% više u odnosu na juni prošle godine) i podneseno 30 zahtjeva za pokretanje prekršajnog postupka (12 ili 66,7% više).

Policijski službenici su i tokom mjeseca juna 2018. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 7.190 prekršajnih naloga (392 više), upozoreno je 466 pješaka (12 više), a specijalnim vozilom “pauk” premješteno je 208 vozila (sedam više).

Takođe, pješacima koji su kršili propise uručeno je 217 prekršajnih naloga (70 manje), a upozorena su 52 pješaka (66 manje).

#### ZAKONITOST U RADU

Tokom mjeseca juna 2018. godine, registrovana su dva napada (jedan manje) na policijske službenike Uprave policije MUP-a KS. U napadu su učestvovala dva punoljetna lica koja su lišena slobode.

Policijski službenici su u tri slučaja opravdano upotrijebili silu (dva više) i to fizičku snagu i sredstva za vezivanje .

Tokom mjeseca juna 2018. godine, razmatrane su 33 predstavke na rad službenika policije (od kojih je pet dostavljeno od strane Odbora za žalbe). Nakon razmatranih predstavki Odbor za žalbe građana Kantona Sarajevo je donio zaključak da se za 18 predstavki izvrše provjere i prikupi dokumentacija, za sedam da se provede unutrašnja istraga, za tri da se pripoje ranijem spisu, za četiri da nema osnova za provođenje unutrašnje istrage i za jednu predstavku su se oglasili nenadležnim.



Od ukupno 33 predstavke 28 je podneseno od strane građana, a pet predstavljaju saznanja u službi. Okončano je 17 unutrašnjih istraga, među kojima su tri osnovane, sedam neosnovane, u tri slučaja nije bilo dovoljno dokaza, u dva stranka odustala od žalbe i u po jednom slučaju istraga okončana obustavom, odnosno oslobađanjem.

## **AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE**

U mjesecu junu 2018. godine evidentirana su dva djela regulisanih ZONDINOiM-om (pet manje) počinjeno od strane dva lica, povratnika u činjenju krivičnih djela.

U sklopu aktivnosti na oduzimanju nelegalno posjedovanog oružja i drugih predmeta oduzeta su: tri pištolja, jedan „nož, mač, sablju i sl.“, šest komada municije raznog kalibra, itd.

U izvještajnom mjesecu fizičkim licima izdato je 77 odobrenja za nabavku vatrenog oružja (15 više) i 69 oružnih listova (21 više).

## **RAD POLICIJE U ZAJEDNICI**

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, socijalnim radnicima, javnim ustanovama i pravnim licima.

U sklopu projekta „Policija u zajednici“ preduzimane su sljedeće aktivnosti:

- Za učenike O. Š. „Osman Nakaš“ održana je edukativna radionica na temu „Stop međuvršnjačkom nasilju“, na kojoj je prisustvovalo i nastavno osoblje. Učenici su tom prilikom upozanti sa fenomenom nasilja, njegovim pojavnim oblicima, kao i načinu prepoznavanja i reagovanja na nasilje.

- Nastavljene su aktivnosti na realizaciji projekta ICITAP-a „Uklanjanje grafita“. U sklopu tih aktivnosti policajci u zajednici su između ostalog, prilikom realizacije kampanje pod nazivom „Uklanjanje grafita-Zona bez grafita“ u osnovnim i srednjim školama kao i drugim dozvoljenim mjestima postavili plakate sa natpisom „Zajedno za ljepše Sarajevo“.

- U organizaciji LOT tima EUFOR-a, za učenike O. Š. „Džemaludin Čaušević“ je održana radionica sa ciljem upoznavanja opasnosti od minsko-eksplozivnih sredstava u okruženju, te načinu reagovanja prilikom uočavanja eksplozivnih naprava.

- Organizovana je manifestacija „AUTO SHOW“ „Sigurnost na cestama u BiH“ u sklopu „Akcije za bezbjednost na putevima“ koju sprovodi svjetska automobiliistička organizacija (FIA) na osnovu rezolucije UN od 10.05. 2010. godine, a koja utvrđuje dokument UN – a za bezbjednost u saobraćaju 2011-2020. Na navedenoj manifestaciji je između ostalog, prezentiran rad policijskih službenika MUP-a KS, te podijeljene brošure i drugi infomaterijal pod nazivima: „Djeca u saobraćaju“, „Mreža žena policajaca“, „Borba protiv rodno zasnovanog nasilja“, „Zaštitite se od krađe“, „Građani treba da znaju“, itd.

- U hotelu „Bosnia“ je održana radionica na temu „Kako do većeg poštovanja ljudskih prava žena i LGBTI osoba u KS- Zajedno do rješenja“- Na ovoj radionici se između ostalog, razgovaralo o sljedećim temama: Sprečavanju i suzbijanju nasilja na osnovu spola uključujući nasilje u porodici i trgovinu ljudima, Javni život i donošenje odluka, Zdravlje, Socijalna zaštita i slično .

- Policajci u zajednici su učestvovali u manifestaciji „7 Sarajevo beer festival“, koja je održana na parking prostoru olimpijske dvorane Zetra. Tom prilikom su predstavljene aktivnosti u vezi bezbjednosti saobraćaja, a izvršeno je i promotivno alkotestiranje posjetilaca koji su bili zainteresovani za način funkcionisanja alkotest aparata.

- U vezi realizacije projekta „Jačanja tužilačkih kapaciteta u sistemu krivičnog pravosuđa BiH“ pod nazivom „Lopov uvijek bude otkriven“, nastavljene su aktivnosti kojima se između ostalog, nastoje implementirati programi s ciljem prevencije kriminala.
- Redovno su održavani kontakti s predstavnicima Crvenog križa FBiH.
- Intenzivno se radilo na rasvjetljavanju lažnih dojava o postavljenim bombama u nekoliko srednjih škola, kao i na preduzimanju radnji koje se odnose na edukaciju učenika i nastavnog osoblja kako bi se povećala svijest o štetnosti ove vrste devijantnog ponašanja.
- Nastavljene su aktivnosti na provođenju kampanje „Neko te voli“, s ciljem smanjenja broja učesnika u saobraćaju koji koriste mobilne telefone.
- Policijski službenici PS Stari Grad su intenzivno saradivali sa Turističkom zajednicom općine Stari Grad, u vezi lične bezbjednosti turista kao i ostalih građana na području općine Stari Grad s akcentom na uže jezgro Bašćaršije.

**Sarajevo, 18.07.2018. godine**

**Odjeljenje za odnose sa javnošću**